

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.

Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademik.



Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademik untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatimah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



KURIKULUM SEKOLAH PERKASA KEUSAHAWANAN

Basaruddin Shah Basri, Kamal Fakhrurazi Rahim,
Rabiatul Alawiyah Zainal Abidin

Meningkatkan prestasi ekonomi negara secara amnya diukur melalui keluaran dalam negara kasar (KDNK). Justeru secara mikronya, pencapaian KDNK disokong oleh peningkatan jumlah prestasi institusi perniagaan yang beroperasi di dalam negara. Prestasi ini didokong oleh sumbangan daripada usahawan atau perniagaan yang berdaftar di bawah Pertubuhan Syarikat. Negara mengukur pencapaian prestasi melalui peningkatan di dalam perkembangan ekonomi. Peningkatan di dalam prestasi ekonomi dapat disokong oleh kerancakan penajaan ekonomi melalui kegiatan atau aktiviti perniagaan. Dengan meningkatnya jumlah penglibatan usahawan di dalam urusan jualbeli akan memberi kesan kepada pulangan samada secara domestik atau melalui aliran masuk pulangan daripada luar negara.

Namun, bukan mudah bagi seorang usahawan atau perniagaan untuk mencapai pulangan yang baik jika bidang keusahawanan atau perniagaan tidak diurus dengan baik. Institusi perniagaan yang baik dan berjaya sentiasa diterajui oleh usahawan yang berpengalaman, berpengetahuan, berwawasan, berkepimpinan, berkebolehan menguruskan perniagaan dengan baik serta mampu untuk menyerab tekanan. Namun, untuk meningkatkan pengetahuan, pengalaman dan minat terhadap kegiatan perniagaan atau lebih tepat keusahawanan, pendedahan haruslah timbul lebih awal di hati sanubari usahawan terutamanya di kalangan remaja. Kerana, jika ditinjau dari sudut pandangan bekas graduan universiti, rata-rata daripada mereka mengambil jalan selamat ketika memohon pekerjaan serta cenderung untuk bekerja makan gaji dengan majikan. Bagi mereka ini adalah jalan atau keputusan yang lebih selamat serta menjamin kehidupan lebih baik walaupun pada hakikatnya pencapaiannya tidak mencapai matlamat sebenar yang dikehendaki.



Sejajar dengan matlamat serta impian negara, bagi menjayakan matlamat untuk melahirkan lebih bilangan penyertaan remaja di bidang usahawaan, suatu usaha perlu digarap sebagai wadah atau sokongan kepada melahirkan lebih ramai usahawan berjaya. Dalam usaha untuk menimbulkan minat serta kebolehan menjalankan perniagaan, langkah drastik perlu diambil bagi membuka peluang serta minat terhadap keusahawanan di kalangan remaja. Kaedah paling praktikal yang boleh diketengahkan adalah melalui sistem pendidikan bersepadu yang berkesan serta berstruktur di dalam kurikulum Pendidikan sekolah menengah. Pilihan remaja yang bersesuaian perlu dibuat di kalangan pelajar sekolah menengah kerana di usia ini, mereka mempunyai kematangan untuk berfikir serta mempunyai kemampuan untuk menilai setiap perkara. Untuk kelancaran, kurikulum pendidikan untuk model usahawan muda ini wajar dikawalselia oleh Kementerian Pendidikan Malaysia (KPM). Jika mendapat mandat Kerajaan, inkubator usahawan atau tapak asas pembelajaran usahawan, boleh disediakan oleh pihak sekolah bagi membolehkan proses penyerapan ilmu, latihan amali serta pembelajaran keusahawanan berlaku.

Jika model usahawan ini dipertimbangkan untuk menjadi kenyataan, pelajar akan mempunyai lebih banyak pilihan serta manfaat kerjaya untuk menjanakan perniagaan sendiri selain daripada memilih untuk bekerja makan gaji. Usahawan berjaya bukan sahaja menjana pendapatan untuk diri sendiri bahkan juga dapat membantu mencipta serta menawarkan peluang pekerjaan kepada orang lain. Malah lebih bermakna jika kejayaan usahawan ini dapat membantu menyumbang kepada kejayaan serta kecemerlangan ekonomi masyarakat dan negara.